



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlvm X. Tuam.

[urn:nbn:de:hbz:466:1-62559](#)

d.60. Sed respondet Innocentius III. Id dictum fuisse ab Urbano, quia eo tempore Subdiaconatus non erat ordo facer, seu annexam non habebat obligationem continentiae. Sed posterioribus seculis introductum, ut neque Subdiaconi ordinarentur, nisi continentiam promitterent; & tum etiam Subdiaconatus intra sacros seu maiores ordines numeratus fuit, vti testatur Urbanus II. relatus in c. eos qui, & seqq. d. 32. item Gregor. I. lib. 3. epist. 5. ad Bonifac. relatus in e. Subdiaconis, ead. d. & lib. 1. epist. 42. ad Petrum Subdiaconum, relatus in c. i. d. 31. vbi ait, ante triennium in Sicilia promulgatum esse decretum, ut etiam Subdiaconi, sicuti ante hoc tempus in Romanam Ecclesiam introductum erat, in ordinatione sua continentiam, etiam a proprijs, quas ante duxerant, vxoribus promitterent; idque statutum deinceps obseruandum. Qui autem ante illud statutum in Sicilia ordinati sunt Subdiaconi, permittendum, ut suis uxoris utruntur: cum durum videatur, viros coniugatos, qui consuetudinem continentiae non habent, neque eam in ordinatione promiserunt, ad continentum compellere; atque periculum, ne in deterius ruant. Constat ergo, cum a tempore Gregorij I. Subdiaconatus inter sacros ordines numeratus fuerit, id est Subdiaconum liberè in Episcopum eligi posse.

NOTANDVM I. Ordo sacerdicitur ille, cui continentiae promissio annexa est: Fortasse ideo, quod qui talem ordinem suscipiunt, continentiae voto edito, se Deo quodammodo consercent.

2 NOTANDVM II. Clericus in minoribus, seu non sacro ordine constitutus in Episcopum non potest eligi, sed postulari debet,

CAPITVLVM X.

Tuam.

PARAPHRASIS.

Legatus a latere retulit Innocentio III. de Monacho, qui in minoribus ordinibus constitutus, ad sacros promoueri non poterat, quia v.g. ob corporis defectum irregularis erat, alioquin vero morum honeste-

state & industriæ insignis, vt spes esset per eum Monasterium reformati, si in Abbatem institueretur: quod etiam laici eius consanguinei & affines instanter petebant. Hoc intellecto, mandat Innocentius Legato, ut dictum Monachum instituat in Abbatem, non propter laicorum preces, sed propter Ecclesiæ illius necessitatem, & utilitatem. Ita explicitant Gl. Innocent. Ioan. Andr. & alij communiter.

S V M M A R I V M.

1. *Monachus in minoribus constitutus & irregularis ob monasterij necessitatem dispensatio in Abbatem institui potest.*
2. *Pertinet autem in hoc casu potestas dispensandi ad summum Pontificem, & non ad Prelatos inferiores.*

N O T A N D V M I. Monachus qui ob iustam causam ad sacerdotium promoueri nequit, propter Monasterij necessitatem in Abbatem dispensatio promoueri potest.

QVÆRERES: Ad quem pertineat in hoc casu dispensare: Respondeo: Ad Pontificem, non item Prelatos inferiores. Quia secundum canones, assumptus ad beneficium aut dignitatem, cui cura animarum annexa est, intra annum sacerdos fieri debet, vti dixi supra. 1. hoc tit. Facilius autem Pontifex dispensat, ut ad abbatiā aut similem curatam ecclesiā aliquis promoueat sine obligatione sacerdotium suscipiendi, quam ad Episcopatum. Quia episcopale officium non tantum consistit in iurisdictione erga subditos, sed magis etiam in potestate ordinis exercendi. Atvero officium Abbatis potius in gubernatione consistit, quam in exercitio ordinis, arg. c. 1. causa 18. q. 2. Sed quid si Monachus in minoribus constitutus intra annum Sacerdos fieri possit, concessum est Episcopo illum promouere ad Abbatiam? Respondeo: Si Ecclesiæ utilitas suadeat, promoueri posse; quia sacri canones non ita exigunt, ut quia ad alias prælaturas & beneficia surata eligitus vel promouetur, actu sacrum ordinem habeant, sicuti in electo Episcopo requirunt, vti constat ex c. præterea, hoc tit. & docet Hostiensis hic n. 3.

No.

NOTANDVM II. Nihil impedit, quod minus aliquis ad preces aliorum eligatur, aut iniiciatur in beneficio: dummodo non propter preces, seu intuitu preci id fiat principaliter, sed quia persona digna est. Quod si autem propter preces aliquis promoueat, quia dignus non est, aut minus dignus quam alij, tamen committitur peccatum acceptiois personarum, in eo consistens, ut dixi lib. 4. Th. mor. tr. 2. c. 15. n. 6.

CAPITVLUM XI.

Cum contingat.

PARAPHRASIS.

Laici frequenter solebant ab Abbatibus Monasteriorum, quorum subditi erant primam tonsuram accipere. Sed dubitauit Archiepiscopus Rhomagensis, vtrum per hanc tonsuram ordo clericalis conferatur. De ea re consultus Innocent. III. respondit: Secundum 7. generalis Synodi decretum, quod refertur c. 1. d. 69. Abbatibus, si sacerdotes, & ab Episcopo benedicti sint, permisum esse, ut in proprio Monasterio per primam tonsuram iuxtaformam Ecclesiæ datam, ordinem clericalem conferant.

S V M M A R I V M.

1. Prima tonsura est ordo clericalis latè: quia per eam clericus constitutus.
2. Abbas ab Episcopo benedictus olim in suis Monasterijs primam tonsuram & quatuor Minores etiam secularibus conferebat: quod hodie quoad seculares sublatum est per Trident.

NOTANDVM I. Prima tonsura dicitur ordo clericalis latè: quia per eam Clericus constitutus seu ordinatur. Exinde autem tanquam à fundamento, vltiores ordinū ac potestatum gradus usq; ad sacerdotij apicem, numerantur septem, qui proprie & strictè ordines dicuntur, iuxta Trid. less. 23. c. 2. & can. 2. de Sacram. Ordinis: Episcopatus denique haud dubie sacer ordo

est. Sed ideo (secundum communem loquendi consuetudinem) numerum non auget: quia nō omnino seu adæquatè distinctus est ab ordine presbyteratus, sed eum in se includit; neq; nouum characterem confert, sed in ordinatione presbyteratus acceptum auget ac perficit. Vide, quæ dixi lib. 5. Th. mor. tr. 9. c. 3.

NOTANDVM II. Olim Abbates ab Episcopo benedicti in suis Monasterijs primam tonsuram (quatuor minores) etiam secularibus subditis suis conferebant. Id autem, quoad seculares, sublatum est in Trident. less. 23. c. 10. de reformat. Qua de redixi in c. 1. de suppl. neg. Prælatorum.

CAPITVLUM XII.

Intelleximus.

PARAPHRASIS.

Canonicus regularis postquam diu in Monasterio laudabiliter versatus absque dispensatione transiit ad ordinem Monachorum, in eoque tempore aliquo commoratus, postea poenitentiâ motus petiit & impetravit, ut in Monasteriū, unde discesserat, reciperetur. Ibi tam laudabiliter vixit, ut vnanimi Fratrum consensu electus fuerit in Abbatem. Eare intellecta, scribit ad ipsum Innocent. III. vt memor esset, quidnam ab Urbano II. in c. mandamus, causa 19. q. 3. decretum fuerit: Ne Canonicus regularis, nisi publicè lapsus esset, Monachus fieret: Alioquin ad ordinem Canonicorum revertatur, & cunctum tanquam memoriale suæ transgressonis, deferat, atque ultimum in choro locum teneat.

S V M M A R I V M.

1. Canonicis regularibus concessum est transire ad ordinem Monachorum, sed non vice versa.
2. Ordines Religiosorum, qui dinanzi missis

Vuu 3 nifce-